



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Epistolarvm Innocentii III. Romani Pontificis Libri Vndecim**

**Innozenz <III., Papst>**

**Parisiis, 1682**

Nobilibvs Viris Dvcibvs Poloniæ & Pomeraniæ.

**urn:nbn:de:hbz:466:1-20020**

viris fidelibus & verè catholicis impendas  
consilium & auxilium & favorem secundum  
præscriptam formam in domo Domini  
ambulantibus cum consensu. Datum  
Signia Kal. Augusti, pontificatus nostri  
anno quintodecimo.

## VNIVERSIS ABBATIBVS in generali Cisterciensi Capitulo constitutis.

Eps. 147.  
De libera pra-  
dicatione ver-  
bi Domini Prus-  
sia. p. 12. sp. 11.

**D**ilecti filii Christianus, Philippus; ac eorum socij vestri ordinis fratres adverentes eos appellari beatos qui seminant super aquas, & eos qui frumentum abscondunt in propriis maledici, faciente illo qui ubi vult spirat, & nemo seit unde veniat aut quò vadat, olim de nostra licentia incepérunt seminarie in partibus Prussiae verbum Dei, ut eundo & flendo mittentes semina sua, demum possent cum exultatione venire portantes manipulos suos, confisi quòd ille qui venit salvum facere quod perierat, in inferiores partes terræ descendens ut hominem ad regna caelestia revocaret, qui omni creaturæ suum jussit evangelium prædicari, sicut per Prophetam promiserat, in virtute multa evangelizantibus daret verbum, & ora in portis filia Sion laudantium adimpleret. Benedictus autem Deus, qui sperantes in sua misericordia non relinquens, speciosos fecit pedes evangelizantium pacem, evangelizantium bona, & expandens manus suas ad populum non credentem, non solùm usque in Idumæam, verùm etiam usque in Prussiam suum calciamentum extendit, dans gratiam fratribus memoratis ut sint ministri Christi Iesu in gentibus, sanctificantes evangelium Dei, ut fiat oblatio gentium accepta & sanctificata in spiritu sancto. Sicut enim comperimus veridica relatione multorum, Dominus eisdem fratribus aperuit ostium, ita ut per ministerium eorundem intelligentibus qui non audierant & videntibus quibus non fuerat nuntiatum, multi ad agnitionem pervenerint veritatis. Licet autem eorum opera de ipsis perhibeant testimonium, quia tamen vos eos, sicut acceperimus, akephalos reputatis, quidam vestri ordinis fratres in illis partibus constituti eisdem in hospitiis & aliis debita humanitatis solertia non impendunt, quinimmo adeo verbis exasperatis eosdem ut propter increpationes vestras multiplices nonnulli eorum dicantur ab illic partibus abscessisse. Volentes igitur juxta pastoralis officij debitum eam in iis adhibere cautelam ut nec sub specie prædictum valeant subintrare girovagi aut fi-

dei subversores, nec propter suspicionem hujusmodi evangelio Dei offendiculum præbeatur, venerabili fratri nostro Gnesnensi Archiepiscopo, de cuius discretione fiduciam gerimus pleniorē, nostris damus litteris in mandatis ut non subito credens omni spiritui, sed probans spiritus si ex Deo lunt, eos quos nō erit esse idoneos ad prædicandum gentibus verbum Dei & ad id studio vera caritatis inducētos, vobis & vestri ordinis fratribus alisque fidelibus Christi constitutis per Pomeraniam & Poloniā recommendet & suarum muniat testimonio literarum. Quocirca universitati vestrae per apostolica scripta mandamus quatenus eos quos prefatus Archiepiscopus vobis per litteras suas duxerit commendandos non impediatis ulla tenus vel ab aliis ordinis vestri fratribus permitatis aliquatenus impediri quòd minus in evangelij predicatione procedant; ut baljulantibus ipsis, currat velociter sermo ejus qui emittit eloquium suum terræ. Datum Signia iv. Idus Augusti, pontificatus nostri anno decimo quinto.

In eundem fere modum scriptum est super hoc monachis Cisterciensis ordinis per Poloniā & Pomeraniam constitutis. Scriptum est super hoc Gnesnensi Archiepiscopo.

## NOBILIBVS VIRIS DVCIBVS Polonia & Pomeranie.

**L**icet teste Apostolo impossibile sit Eps. 148.  
Deo sine fide placere, ad placendum  
tamen ei fides sola non sufficit, sed caritas  
est præcipue necessaria; de qua idem testatur  
Apostolus quòd si quis linguis hominum & angelorum loquatur, et si habeat  
omnem fidem ita ut montes transferat, &  
in cibos pauperum omnes suas distribuat  
facultates, caritatem autem non habeat,  
ei penitus nihil prosit. Cum autem hæc  
exercenda sit sollicitè circa omnes, ut po-  
te mandatum Domini latum nimis, quod  
etiam ad inimicos extenditur, circa eos  
tamen qui nuper reliquo gentilitatis erro-  
re ad cognitionem veritatis, quæ Christus  
est, pervenerunt, eò debet propensius  
exerceri quòd facilius retro aspicerent in-  
humanè tractati. Hoc utique quidam ves-  
trum, sicut acceperimus, minimè attenden-  
tes, & querentes quæ fūs sunt, non quæ  
Christi, quām citò intelligunt aliquos e  
gentilibus per Prussiam constitutis novæ  
regenerationis gratiam suscepisse, statim  
oneribus eos servilibus aggravant, & ve-  
nientes ad Christianæ fidei libertatem de-  
terioris conditionis efficiunt quām essent

PPP iii

## 670 Epistolarum Innocentij III.

dum sub jugo servitutis pristinæ permanescunt, per hoc multorum impedites salutem qui fuerant credituri, & tempore commodum angelorum gaudiis præferentes, qui super penitentiam agentibus gloriantur. Ideoque universitatè vestram monendo rogamus & exhortamus in Domino, per apostolica vobis scripta mandantes quatenus intuitu ejus qui venit salvum facere quod perierat & dare animam suam redemptionem pro multis, hujusmodi novellæ plantationis filios non gravetis, sed agatis tantò clementius cum eisdem quantò memoria pristina conversationis infirmi facilius in antiquum relaberent errorem, cùm veteres utres vix novum vinum contineant juxta evangelicam veritatem. Nos enim venerabili fratri nostro H. Gnesnensi Archiepiscopo nostris damus litteris in mandatis ut tales foveat propensius propter Deum, & defendat eosdem à molestis indebitis & pressuris, opressores eorum indebitos monitione premissa per censuram ecclesiasticam sublatò appellationis impedimento compescens. Datum Signia Idibus Augusti, pontificatus nostri anno decimoquinto.

*Scriptum est super hoc Archiepiscopo Gnesnensi.*

### CAMERACENSI EPISCOPO.

*Epiſt. 149.  
De decimis Ecclesie conſtituendis.*

**S**ignificavit nobis N. Miles quòd ad sublevandam inopiam capellaniarum de Gellen & Bialluel Ecclesiarum, qua multa paupertate gravantur, quasdam eis decimas conferre desiderat, si ad hoc favor apostolicae benignitatis accedat. Volentes itaque ~~in~~ Ecclesis prædictis adesse quòd in suo jure alij deesse minimè videamus, fraternitati tua per apostolica scripta mandamus quatenus eundem Militem, ut illi Ecclesiae reddat decimas cui debentur, diligenter inducas. Quòd si adhuc induci non poterit, & tales decimæ sunt quæ juxta consuetudinem regionis in feudum perpetuum à laicis detinentur, conferendas eis ipsis capellaniis tribuas facultatem. Datum Signia xiv. Kal. Septembri, pontificatus nostri anno decimoquinto.

### EPISCOPO ET DECANO & Cantori Atrebatenisbus.

*Epiſt. 150.  
Causa cognitionis ad eos remittit.*

**C**um causam quæ inter B. viduam & Lambertum laicum Morinenſis dioceſis super dotalitio ipsius viduæ vertitur dilectis filiis Ph. G. & G. Canonis Morinenisbus olim duxerimus committendam, ac ipſi receptis testibus & atesta-

tionibus publicatis, disputationes hinc inde propositas audivissent, tandem, sicut ex relatione comperimus judicem eorumdem, tam ab Episcopo Morinenſi quam à p̄fato Lamberto ne ipſi ad sententiam procederent exitus appellatum, eo quòd cùm res qua ducebatur in judicium c̄ſset feudalis, & ad jurisdictionem spectaret Episcopi, non ecclesiastico jure, sed potius seculari, ejus forum prædicta vidua declinare non poterat, cùm esset paratus eidem iustitia plenitudinem exhibere. Dicte quoque judices appellationibus defentes, causam cum utriusque partis attestationibus & allegationibus suis filiis inclusis ad nostram præsentiam remiserunt. Verū quia per relations judicium, attestations & allegations partium, & alia per nuntium viduæ memoratae coram dilecto filio nostro Angelo sancti Adriani Diacono Cardinale sibi à nobis auditore concessa proposita, qua idem Cardinalis in præsencia nostra fideliciter retulit, nequivimus plenè de causa meritis instru, cum causarum merita partium assertione pandantur, & pro neutra parte comparent aliquis procurator, multaque fortassis in partibus ipsis sunt nota quæ nobis sunt prorsus incognita, discretioni vestre per apostolica scripta mandamus quatenus partibus convocatis, non obstantibus appellationibus prænotatis, quia eti res de qua agitur dicatur esse feudalis, de ipsa tamen non tamquam feudal, sed dotali, tractatur, attestationibus & allegationibus quas sub bulla nostra transmittimus vobis inclusas & alijs rationibus utriusque partis inspectis, causam ipsam appellatione remota fine debito terminetis, facientes quod decreveritis per censuram ecclesiasticam firmiter observari. Testes autem &c. subtraxerint, per censuram eandem cesante appellatione &c. usque perhibere. Quod si non omnes &c. tu ea, frater Episcopo, cum eorum altero &c. Datum Signia xvi. Kal. Septembri, pontificatus nostri anno decimoquinto.

*PRÆPOSITO SANCTI  
Laurentij Laudensi & I. & A. Canonici  
de Cavennacho dioecesis Laudensi.*

**D**ilectus filius magister Ambrosius de Canturio Diaconus plebis de Gallian, constitutus in præfectia dilecti filii nostri Angeli sancti Adriani Diaconi Cardinalis, quem sibi dedimus auditorem, propositus coram ipso quòd cùm ad mandatum sedis apostolicæ per venerabilem fratrem